

**ქალაქ ფოთის მუნიციპალიტეტის 2023 წლის ბიუჯეტის პროექტის  
საჯარო განხილვის სხდომის**

ოქმი

განხილვა გაიმართა ქალაქ ფოთის მუნიციპალიტეტის ნიკო ნიკოლაძის სახელობის სხდომათა დარბაზში 2022 წლის 24 ნოემბერს. დაწყების დრო -11 საათი, დამთავრების დრო - 12<sup>45</sup> საათი.

**სხდომას თავმჯდომარეობდა  
საკრებულოს თავმჯდომარე**

**ალექსანდრე ტყებუჩავა**

განხილვას ესწრებოდნენ: ქალაქ ფოთის მუნიციპალიტეტის მერი ბექა ვაჭარაძე, საკრებულოს თავმჯდომარის მოადგილეები, საკრებულოს წევრები, ქალაქ ფოთის მუნიციპალიტეტის მერის მოადგილეები, ქალაქ ფოთის მუნიციპალიტეტის მერის სამსახურის უფროსები, ა(ა)იპ-ების ხელმძღვანელები, მერის წარმომადგენლები უბნებში, არასამთავრობო სექტორის, პრესისა და ტელევიზიის წარმომადგენლები, ქალაქ ფოთის მუნიციპალიტეტის საზოგადოებრიობის წარმომადგენლები.

**დღის წესრიგი:**

1.ქალაქ ფოთის მუნიციპალიტეტის 2023 წლის ბიუჯეტის შესახებ.

ქალაქ ფოთის მუნიციპალიტეტის 2023-2026 წლების პრიორიტეტების დოკუმენტი.

/მომხს: ალექსანდრე ტყებუჩავა - ქალაქ ფოთის მუნიციპალიტეტის  
საკრებულოს თავმჯდომარე/

/მომხს: ბექა ვაჭარაძე - ქალაქ ფოთის მუნიციპალიტეტის მერი/

/მომხს: ვასილ თოდუა - ქალაქ ფოთის მუნიციპალიტეტის მერის საფინანსო-  
საბიუჯეტო და შესყიდვების სამსახურის უფროსი/

მოისმინეს: ქალაქ ფოთის მუნიციპალიტეტის 2023 წლის ბიუჯეტის შესახებ.

ქალაქ ფოთის მუნიციპალიტეტის 2023-2026 წლების პრიორიტეტების დოკუმენტი.

/მომხს: ალექსანდრე ტყებუჩავა - ქალაქ ფოთის მუნიციპალიტეტის  
საკრებულოს თავმჯდომარე/

/მომხს: ბექა ვაჭარაძე - ქალაქ ფოთის მუნიციპალიტეტის მერი/

/მომხს: ვასილ თოდუა - ქალაქ ფოთის მუნიციპალიტეტის მერის საფინანსო-  
საბიუჯეტო და შესყიდვების სამსახურის უფროსი/

ქალაქ ფოთის მუნიციპალიტეტის საკრებულოს თავმჯდომარემ ალექსანდრე ტყებუჩავამ აღნიშნა, რომ დღეს საკრებულოს სხდომათა დარბაზში გაიმართება ქალაქ ფოთის მუნიციპალიტეტის 2023 წლის ბიუჯეტის პროექტის საჯარო განხილვა, ქალაქის საზოგადოების მონაწილეობით. ქალაქ ფოთის მუნიციპალიტეტის მერმა კანონმდებლობით დადგენილ ვადაში საკრებულოს წარმოუდგინა მუნიციპალიტეტის 2023 წლის ბიუჯეტის პროექტი. კანონმდებლობის შესაბამისად, ბიუჯეტის პროექტი გამოქვეყნდა საჯარო განხილვისთვის, მუნიციპალიტეტის ვებგვერდზე და მუნიციპალიტეტის ადმინისტრაციულ შენობაში. საჯაროობის პრინციპებიდან გამომდინარე, ადგილობრივი თვითმმართველობის განხორციელებაში მოქალაქეთა ჩართულობის და მათი ინტერესების გათვალისწინებით, უნდა მოხდეს ქალაქ ფოთის

მუნიციპალიტეტის 2023 წლის ბიუჯეტის პროექტისა და მასთან დაკავშირებული დოკუმენტაციის საჯარო განხილვა. საკრებულოს თავმჯდომარემ ყურადღება გაამახვილა მოქალაქეების აქტიურობის მნიშვნელობაზე ბიუჯეტის საჯარო განხილვის პროცესში.

ქალაქ ფოთის მუნიციპალიტეტის 2023 წლის ბიუჯეტის პროექტი საჯარო განხილვისათვის წარმოადგინა ქალაქ ფოთის მუნიციპალიტეტის მერმა ბექა ვაჟარაძემ და ისაუბრა ბიუჯეტის ძირითად მიმართულებებსა და პრიორიტეტებზე.

მერიის საფინანსო-საბიუჯეტო და შესყიდვების სამსახურის უფროსმა ვასილ თოდუამ მიმოიხილა ქალაქ ფოთის მუნიციპალიტეტის 2023 წლის ბიუჯეტის ძირითადი პარამეტრები. მან აღნიშნა, რომ 2023 წლის ბიუჯეტი 28 მილიონ 110.3 ათასი ლარით არის განსაზღვრული, რაც წინა წელთან შედარებით 4 მილიონ 580.3 ათასი ლარით არის გაზრდილი. ქალაქ ფოთის მუნიციპალიტეტის ძირითად პრიორიტეტებს კვლავ ინფრასტუქტურის განვითარება, გარემოს დაცვა, განათლება, კულტურა, რელიგია, ახალგაზრდობა და სპორტი, ჯანმრთელობის დაცვა და სოციალური უზრუნველყოფა წარმოადგენს.

ბიუჯეტის განხილვასთან დაკავშირებით აზრი გამოთქვეს და თავიანთი კითხვები და წინადადებები წარმოადგინება: ქალაქის საზოგადოებრიობის და არასამთავრობო სექტორის წარმომადგენლებმა: ნონა ხუხიამ, ნინო მორგოშიამ, გიზო კვარაცხელიამ, პაატა გარუჩავამ, მიმოზა გვაზავამ, ზამირა კაკულიამ, მარიამ ბჟალავამ, დავით ტყებუჩავამ.

ნონა ხუხია - „დეას“საინიციატივო ჯგუფის ხელმძღვანელი:

- 1) ადაპტირებული საბავშვო ბალების შესახებ;
- 2) მალთაყვისა და კუნძულის უბნებში ახალგაზრდული სივრცის მოწყობის შესახებ;
- 3) მალთაყვის ტერიტორიაზე (ახალი რაიონი) საბავშვო ბალის აშენების და საბავშვო მოედნის მოწყობის შესახებ;
- 4) შშმ პირთათვის (მათ შორის უსინათლო პირების უსაფრთხო გადაადგილებისათვის) ხმოვანი შუქნიშნების მოწყობის შესახებ;
- 5) „მწვანე ბიუჯეტის“ შესახებ;
- 6) სოციალური საწარმოების განვითარების შესახებ;
- 7) ქალაქის ცენტრალურ ადგილებში თეთრი ბილიკების მოწყობის შესახებ;
- 8) ნარჩენების სეპარირების გადამუშავების შესახებ.

ნინო მორგოშია - ფოთის ახალგაზრდული საინიციატივიო ჯგუფის წარმომადგენლი:

- 1) ქალაქის ქუჩებში გარე განათებების დამატების შესახებ;
- 2) სატრანსპორტო გაჩერებებზე საინფორმაციო ბანერების განთავსების თაობაზე;
- 3) რელიგიური უმცირესობის (სტარავერების) წარმომადგენლებთან ურთიერთობის ფორმების შესახებ;
- 4) ნაგვის ურნების დამატების შესახებ.

გიზო კვარაცხელია - შშმ კავშირის „ინტელექტ+“ გამგეობის თავმჯმდომარე:

- 1) შშმ პირებისათვის ქალაქის ტერიტორიაზე ადაპტირებული გარემოს შექმნის შესახებ;
- 2) ეკლესიებში პანდუსების მოწყობის შესახებ;
- 3) დახმარება შშმ პირების დასაქმებასთან დაკავშირებით;

- 4) მალთაყვაში (ახალი რაიონი) კორპუსების ნუმერაციის მოწესრიგების შესახებ;
- 5) შშმ პირების მონაცემთა ბაზის შექმნის შესახებ;
- 6) დახმარება სხვადასხვა პროექტებში შშმ პირების მონაწილეობასთან დაკავშირებით.

პაატა გარუჩავა - ქალაქ ფოთში მცხოვრებ უსინათლოთა ინტერესების დაცვის ჯგუფის ხელმძღვანელი:

- 1) უსინათლოებისათვის საჭირო დამხმარე საშუალებების შეძენის შესახებ. კერძოდ: გადასაადგილებელი ჯოხი, ჭივიანი კალამი და ა.შ.
- 2) უსინათლოების პროგრამით გათვალისწინებული დახმარების შესახებ;
- 3) უსინათლოებისათვის შეშის გამოყოფის შესახებ;
- 4) დახმარება უსინათლოების დასაქმებასთან დაკავშირებით;
- 5) უსინათლოების ადაპტირება საზოგადოებრივ ტრანსპორტში, საჯარო დაწესებულებებში და ა.შ.
- 6) შშმ პირთა საბჭოს შექმნის შესახებ;
- 7) მიუსაფარი და უპატრონო ძალების შესახებ;
- 8) საჯარო დაწესებულებებში აბრების „ბრაილის შრიფტით“განთავსების შესახებ.

მიმოზა გვაზავა - მოქალაქე (მცხ. მალთაყვის უბანი)

N9 საბავშვო ბაღის მოსალოდნელ დახურვასთან დაკავშირებით.

ზამირა კავულია-მოქალაქე (მცხ. ნაბადის უბანი)

ჭავჭავაძის ქუჩის N144-ში მდებარე მრავალსართულიანი ს/სახლის სრული რეაბილიტაციის შესახებ.

მარიამ ბჟალავა -მოქალაქე (მცხ. ნაბადის უბანი)

ჭავჭავაძის ქუჩაზე N140, N142 მდებარე მრავალსართულიანი ს/სახლებში ლიფტების დამონტაჟების შესახებ.

დავით ტყებუჩავა - მოქალაქე (მცხ. ცენტრის უბანი)

1) ქალაქ ფოთის მუნიციპალიტეტში კომაროვის ქუჩის რეაბილიტაციის შესახებ;

2) ზამბახიძის ქუჩაზე მდებარე ს/სახლის გადახურვის შესახებ;

3) ვეტერანებისათვის მატერიალური მხარდაჭერის შესახებ.

სხდომა წარიმართა კითხვა -პასუხის რეჟიმში. მოქალაქეთა დასმულ შეკითხვებს უპასუხეს საკრებულოს თავმჯდომარემ აღექსანდრე ტყებუჩავამ და ქალაქ ფოთის მუნიციპალიტეტის მერმა ბექა ვაჭარაძემ.

დაადგინეს: ეთხოვოს ქალაქ ფოთის მუნიციპალიტეტის მერს, არსებული ფინანსური რესურსების ფარგლებში, ზემოაღნიშნული წინადადებების და შენიშვნების, ქალაქ ფოთის მუნიციპალიტეტის 2023 წლის ბიუჯეტის პროექტში გათვალისწინებასთან დაკავშირებით გაატაროს შესაბამისი ღონისძიებები.

საკრებულოს თავმჯდომარე

აღექსანდრე ტყებუჩავა

